

廣告業e新步

洪錦田

(18/04/07thk 改寫)

這-má 的廣告業步數誠濟，連頭家仔 (tī) 咧招考**較數**嘛著愛彼種較搵力、gâu 創新、仁仁仁的高手。啊薪勞--咧，全款無咧軟，**個個**攞誠 gâu 變景，是一粒一的廣告高手。

話講有一間廣告公司仔年底欲招考「廣告高手」，有一個新腳數 (kioh-siàu)，講某時日著愛去面試。**當**工伊欲 (beh) 出門的時，in 某就緊點三穰香，祈神明、求公媽，看會得通予 in 翁入去彼間公司食頭路--袂。

結果彼 e-晡，in 翁就歡頭喜面、喙 (tshui) 笑目笑，沿路閣 (koh) 那呼嘯仔轉到厝。一踏入門，in 某就開喙問講：「喂！阿舍仔，今~你考了按怎？ kám 會足僇 (oh) **考--著**？有佻濟人參加？欲牢幾個？」

哇！問話敢若咧射機關銃--咧，in 翁就寬寬仔共伊回講：「安--啦！俺某--的，這擺的考試，攞總敢 (kán) 有五十桶 (thóng) 个，老的、少年的高手攞有。主考經理面試了，提兩張紙予--阮，一張是資歷表，一張是畫圖紙。伊講資歷表填好勢交轉公司，另外彼張畫是欲予逐家自由發揮，隨在看欲畫啥作品，毋閣毋是欲交予公司。原來經理是欲共阮隨人的作品擲 (tàn) 出去路--裡，予過路人扶 (khioh)，看啥的作品去予頭一个過路人扶 (khioh) --著，彼个人就會予公司重用。」in 某聽了感覺真趣味，隨就問講：

「結果-咧？」

「經理一講煞，眾人就下性命畫、下性命寫，」in 翁愈講愈興 (hìng)，「有的畫風景--的、超現實--的、抽象--的，甚至肉感的美女… 規大堆。一點鐘久了後，經理喝『停…』，繼--落去叫逐个簽名聽號令，同齊應聲做夥擲出去外口。無佻久，隨就有過路人去扶--矣！」

「m̂! 是啥人遮呢好運？」in 某誠好玄 (hònn-hiân) 按呢問。

「掩某--的，予人頭一个扶--著的就是我的。」

「哪會按呢，你的確畫了足嬾 (suí) --的，無哪會予過路人一看隨扶咧走。」in 某閣**半信疑仔**隨接喙問。

「無喎！kah 遐搵力。我嗰乜碗糕嘛無畫，干單（kan-tann）簽名，內底包一百箍，閣刁工捅（thóng）一角仔現現，按算有牢亦好，無牢亦好；結局頭家毋若宣佈我錄取，閣呵啫我足有頭殼--的。in 予我一个主任的職位，月給四萬外--咧呢。」

in 某聽一下，舌吐掠（liah）外長，心內呵啫 in 這個翁有影 gâu 變景。社會代，各行各業攏當咧求進步、求生存。人講步數是人想--的，萬項頭路都聽（thing）好做，kan-tann 手揸（iap）後莫（kám）去做，kám 會使--得咧？（約 740 字）
4'27”